

全美(监丞)公像赞(有引)

公讳珣，字全美，吉之永和人，死节靖康间，绍兴恤典，当官其子，公无子，特旨官其婿曾敏恭。(敏恭)临江新淦人，故荐福寺有祠，而永和无祠，非惟无祠，且无像也。《传》曰：“皋陶、廷贤不祀”。文龙痛念。公死节在河朔，而生永和章江东下凤岭。横翔纵予忘之，山川鬼神其忘之乎？文龙，从四世孙也。试吏兹邑，首谒公祠绘像，以归率宗人而拜焉。

九顿首而赞曰：

地不可割，论不可夺，御命出疆，誓不苟活。伯道无儿，讎不赍志；中郎有女，亦足承祀。肖像荐福，买田兰溪，岁时有祠，公之甥兮。公生永和，不祠谓何？姿貌堂堂，衣冠峨峨；绘归故乡，永矢不磨。